



漢書評林卷之六

吳興後學凌稚隆輯校

武帝紀第六

孝武皇帝

荀悅曰諱徹之字曰通應劭曰禮諡法威強敵德曰武

景帝中子也

母曰王美人

師古曰外戚傳美人此二千石視少上造

年四歲立為膠東

王七歲為皇太子母為皇后十六歲後三年

師古曰景帝後

三年正月景帝崩甲子太子即皇帝位尊皇太后竇氏

曰太皇太后皇后曰皇太后三月封皇太后同母弟

田蚡勝皆為列侯

建元元年

師古曰自古帝王未有年號始起於此

冬十月詔丞相御史

列侯中二千石二千石諸侯相舉賢良方正直言極

王世貞曰身治而身亂之者曰秦始皇曰漢武此豈其才不足耶一念之敬而才為興資矣一念之怠而才為敗資矣

丘濬曰後世寵任毋黨此為之兆

楊慎曰縮之相業他無聞焉而此一節加于蕭曹一等矣史稱武帝之美曰罷黜百家縮之功可少哉  
隆按仲舒對策以為不在六藝之科孔子之術者皆絕其道勿進于是武帝罷黜百家而丞相因上此奏爾陳仁子曰漢代以敬老為法始于文帝成于武帝又盛于宣帝傳曰文王發政施仁必先斯四者此猶有三代之遺風

諫之士丞相縮師古曰奏所舉賢良或治申商韓非

蘇秦張儀之言亂國政請皆罷應劭曰申不害韓昭

秦孝公相封於商號商君韓非韓諸公子非名也蘇秦為關東從長張儀為秦昭王相為衡說以抑諸侯

李奇曰申不害書執術商鞅為法賞不失卑刑秦奇不諱尊然深刻無恩德韓非兼行申商之術

春二月赦天下賜民爵一級年八十復二算九十復

甲卒張晏曰二算復二口之算也復甲卒不行三銖

錢師古曰新壞四銖錢造此夏四月己巳詔曰古之

立教鄉里以齒朝廷以爵扶世導民莫善於德然則

於鄉里先耆艾奉高年古之道也師古曰六十曰今

天下孝子順孫願自竭盡呂承其親外迫公事內乏

資財是呂孝心闕焉朕甚哀之民年九十呂上已有一本無已字

受鬻法師古曰給米粟以為為復子若孫令得身帥

妻妾遂其供養之事師古曰若者豫及之辭也子

五月詔曰河海潤千里其令祠官修山川之祠為歲

事孟康曰為農祈也於此造之歲以為常故曰為歲

曲加禮如淳曰祭禮赦吳楚七國祭輸在官者應劭

詔曰衛士轉置送迎二萬人鄭氏曰去故置其省萬

人罷死馬呂賜貧民師古曰養馬之花舊禁百議立

明堂遣使者安車蒲輪束帛加璧徵魯申公師古曰

丘濬曰聘賢而迎之漢時猶有

古意

輪取其安也

二年冬十月御史大夫趙綰坐請毋奏事太皇太后

及郎中令王臧皆下獄自殺應劭曰禮婦人不豫政事時帝已自躬省萬機

王臧儒者欲立明堂辟雍太后素好黃老術非薄五經因欲絕奏事太后太后怒故殺之丞相嬰

太尉蚡免師古曰實春二月丙戌朔日有蝕之夏四

月戊申有如日夜出初置茂陵邑應劭曰武帝自作陵也師古曰本槐

里縣之茂鄉故曰茂陵三年春河水溢于平原大飢人相食師古曰河溢之處損害田畝故

大賜徙茂陵者戶錢二十萬田二頃初作便門橋蘇

曰去長安四十里服虔曰在長安西北茂陵東師古曰便門長安城北面西頭門即平門也古者平便皆

此又曰書河溢始事為忌

同字於此道作橋跨渡渭水以趨茂陵其道易直即今所謂便橋是其處也便讀如本字秋七月

有星孛于西北濟川王明坐殺太傅中傅廢遷防陵

應劭曰中傅宦者也師古曰防陵漢中縣也今謂之房州閩越圍東甌應劭曰高祖五年立

無諸為閩越王惠帝立搖為東海王都東甌故號東甌師古曰甌音一侯反東甌告急遣

中大夫嚴助持節發會稽兵浮海救之未至閩越走

兵還九月丙子晦日有蝕之

四年夏有風赤如血六月旱秋九月有星孛于東北

五年春罷三銖錢行半兩錢師古曰又新鑄作也置五經博士

夏四月平原君薨服虔曰王皇后之母武帝外祖母五月大蝗秋八

月廣川王越清河王乘皆薨

丘濬曰五經自秦火後至漢稍復出然皆私相傳習至是始置五經博士然後天下靡然以為世業武帝有功

六年春二月乙未遼東高廟災夏四月壬子高園便

殿火師古曰凡言便殿便室便坐者皆非正大之處所以就便安也園者於陵上作之既有正寢以象平生正殿又立便殿為休息閒宴之處耳尋石建章玄成孔光等傳其義可知便讀如本字上素

服五日五月丁亥太皇太后崩秋八月有星孛于東方長竟天閩越王郢攻南越遣大行王恢將兵出豫

章大司農韓安國出會稽擊之未至越人殺郢降兵

還。

元光元年臣瓚曰以長星見故為元光冬十一月初令郡國舉孝

廉各一人師古曰孝謂善事父母者廉謂清廉有廉隅者衛尉李廣為驍騎

將軍屯雲中中尉程不識為車騎將軍屯鴈門六月

罷夏四月赦天下賜民長子爵一級復七國宗室前

絕屬者師古曰此等宗室前坐七國反故絕屬今加恩赦之更令上屬籍於宗正也復音扶目反

五月詔賢良曰朕聞昔在唐虞畫象而民不犯應劭曰二

帝但畫衣冠異章服而民不敢犯也師古曰白虎通云畫象者其衣服象五刑也犯墨者蒙巾犯劓者以赭著其衣犯髡者以墨蒙其鬢象而畫之犯宮者扉犯大辟者布衣無領墨謂以墨黥其面也劓截其鼻也髡去膝蓋骨也宮割其陰也扉草屨也劓音牛鼻反字或作剝其音同耳髡音頻忍反扉音扶味反

日月所燭莫不率俾師古曰燭照也率循也俾使也言皆循其貢職而可使也周

之成康刑錯不用師古曰錯置也音千故反德及鳥獸教通四海

海外肅昏師古曰周書序云成王既伐東夷肅昏來賀即謂此北發渠搜臣瓚曰孔

子三朝記云北發渠搜南撫交阯此舉北以南為對也禹貢渠搜在雍州西北渠搜在朔方師古曰北發

漢書卷六

武帝

四

羅文

三代訓誥相上

丘濬曰後世人主改年號始此又曰舉孝廉始此

茅坤曰此詔與三代訓誥相上

非國名也言北方即可徵發

渠搜而役屬之墳說近是

氏羌徠服師古曰徠古往來之來也

鳳在郊藪河洛出圖書鳴虜何施而臻此與師古曰虜讀曰

涉淵水未不知所濟猗與偉與師古曰猗美也偉大也

與讀曰歟何行而可以章先帝之洪業休德師古曰章明也

上參堯舜下配三王師古曰三王夏殷周朕之不敏不

能遠德師古曰言德不及遠也此子大夫之所睹聞也師古曰子者人

賢良明於古今王事

之體受策察問咸呂書對著之子篇師古曰篇謂竹簡也朕親

覽焉於是董仲舒公孫弘等出焉秋七月癸未日有

蝕之

二年冬十月行幸雍祠五時師古曰五帝之時也春詔問公卿

曰朕飾子女以配單于金幣文繡賂之甚厚單于待

命加嫚侵盜亡已師古曰待命謂承詔命也嫚與慢同邊境被害朕甚

閔之今欲舉兵攻之何如大行王恢建議宜擊夏六

月御史大夫韓安國為護軍將軍衛尉李廣為驍騎

將軍太僕公孫賀為輕車將軍大行王恢為將屯將

軍太中大夫李息為材官將軍將三十萬眾屯馬邑

谷中誘致單于欲襲擊之單于入塞覺之走出六月

隆按上參堯舜

應唐虞畫象不

犯一段下配三

王應成康刑錯

不用一段

直德秀口考本

傳仲舒所對在

建元初與弘不

同時蓋紀誤也

茅坤曰覽此詔

武帝已有喜功

生事之寡矣當

時執政能明大

體籌國計開陳

利害以抑絕之

猶易及出塞無

功則憤與幸勝

軍罷將軍王恢坐首謀不進下獄死師古曰首為此謀而反不進擊

匈奴秋九月令民大酺五日

三年春河水徙從頓丘東南流入渤海師古曰頓丘丘名因以為

為列侯河水決濮陽汜郡十六師古曰濮陽東郡之縣也水所汜及凡十

六郡界也汜音敷劔反發卒十萬救決河起龍淵宮孟康曰在西平界其

水可用淬刀劔特堅利古龍淵之劔取於此水師古曰黃圖云龍淵廟在茂陵東不言宮也此言救決河

起龍淵宮則宮不在長安之西矣又漢章帝賜尚書韓稜龍淵劔孟說是也淬音千內反

四年冬魏其侯嘗嬰有罪弃市師古曰以春三月乙

卯丞相蚡薨夏四月殞霜殺草五月地震赦天下

劉放曰予謂治險阻者通道令平易以便伐匈奴耳

隆按魏其有罪棄市詳其本傳

劉放曰予謂救決河起龍淵宮各自一事非因救河且起宮也

五年春正月河間王德薨夏發巴蜀治南夷道又發

卒萬人治鴈門阻險師古曰所以為固秋七月大風

拔木乙巳皇后陳氏廢捕為巫蠱者皆梟首八月螟

師古曰食苗心之蟲也音莫經反徵吏民有明當世之務習先聖之

術者縣次續食令與計偕師古曰計者上計簿使也郡國每歲遣詣京師上之

借者俱也今所徵之人與上計者俱來而縣次給之食後世訛誤因承此語遂總謂上計為計偕闕駟不詳妄為解說云

六年冬初算商車李奇曰始稅商賈車船今出算春穿漕渠通渭如淳

曰水轉運曰漕師古曰音才到反匈奴入上谷殺略吏民遣車騎將

軍衛青出上谷騎將軍公孫敖出代輕車將軍公孫

劉放曰予謂治險阻者通道令平易以便伐匈奴耳

隆按武紀書初算商車初算緡錢初權酒酤所以志變法之始也與春秋書初稅同意

陳仁子曰讀武  
帝救鴈門軍士  
之詔知帝之窮  
兵亦迫而後應  
者也何者建元  
六年帝猶和親  
也元光二年馬  
邑之襲擊帝猶  
下群臣議也今  
年寇上谷明年  
寇雲中當時賂  
之甚厚而單于  
侵盜無已至此  
則帝之用備霍  
殆不能自巳於  
斯者軍士之救  
毋乃為後來用  
兵張本歟

賀出雲中。驍騎將軍李廣出鴈門。青至龍城。應劭曰匈奴單于祭天大會諸國名其處為龍城獲首虜七百級。廣敖失師而還。詔

曰夷狄無義所從來久間者匈奴數寇邊境故遣將

撫師古者治兵振旅因遭虜之方入將吏新會上下

未輯師古曰詔言古者出則治兵入則振旅素練其眾不虧戎律今之出師因遭寇虜方入為害而

將吏新會上下未和故校尉奔軍而奔北也代郡將軍敖鴈門將軍廣所

任不肖師古曰肖似也不肖者言無所象類謂不才之人也校尉又背義妄行

弃軍而北少吏犯禁文穎曰少吏小吏也用兵之法不勤不教

將率之過也教令宣明不能盡力士卒之罪也將軍

已下廷尉使理正之師古曰下謂以身付廷尉也理法也言以法律處正其罪下音

而又加法於士卒二者並行非仁聖之心朕閱

衆庶陷害欲刷耻改行師古曰刷除也音所劣反復奉正義厥路

亡繇師古曰一陷重刑無因從正道也其赦鴈門代郡軍士不循法

者夏大旱蝗六月行幸雍秋匈奴盜邊遣將軍韓安

國屯漁陽

元朔元年師古曰朔猶始也言更為初始也冬十一月詔曰公卿大

夫所使總方略壹統類廣教化美風俗也夫本仁祖

義褒德祿賢勸善刑暴師古曰本仁祖義謂以仁義為本始五帝三王

所繇昌也朕夙興夜寐嘉與宇內之士臻於斯路師古曰旅耆老者加

為宇臻至也故旅耆老復孝敬師古曰旅耆老者加惠於耆老之人若賓

陳仁子曰武帝  
刻于待民而厚  
於待士舉茂材  
舉孝廉舉賢良  
莫不有詔獨孝  
廉猶近周旅師  
書孝悌睦婣黨  
正書德行道藝  
遺意不專尚言  
語文辭者  
吳京曰詔辭旨



懇切頓令岩塞  
有鼓舞揚髦之  
意吉稱漢世得  
人武帝為盛者  
以此

丘濬曰帝之為  
此詔蓋恐人才  
壅于下而公卿  
蔽之于上也後  
世顧略于不舉  
之罪而特嚴于  
繆舉之罰此亦  
可以觀世矣

旅也復孝敬者謂優復孝  
弟之人也復音方目反  
選豪俊講文學師古曰講謂和習之

稽參政事祈進民心師古曰祈求也深詔執事與廉舉孝庶

幾成風紹休聖緒師古曰休美也緒業也言紹先聖緒

夫十室之邑必有忠信三人並行厥有我師今或至

闔郡而不薦一人師古曰闔閉也總一郡之中故云闔郡是化不下究

而積行之君子雍於上聞也師古曰究竟也言見壅遏不得聞達於天子也

將何以唯讀曰壅二千石官長紀綱人倫師古曰謂郡之守尉縣之令長

佐朕燭幽隱勸元元師古曰元元善意厲蒸庶師古曰蒸衆也崇鄉

黨之訓哉且進賢受上賞蔽賢蒙顯戮古之道也其

與中二千石禮官博士議不舉者罪有司奏議曰古

者諸侯貢士壹適謂之好德服虔曰適得其人再適謂之賢

賢三適謂之有功應劭曰一曰車馬二曰衣服三曰樂器四曰朱

戶五曰納陛六曰虎賁百人七曰鈇鉞八曰弓矢九

曰秬鬯此皆天子制度尊之故事事錫與但數少耳

張晏曰九錫經本無文周禮以為九命春秋說有之

臣瓚曰九錫滿物伯者之盛禮齊桓晉文猶不能備

今三進賢便受之似不然也當受進賢之一錫尚書

大傳云三適謂之有功賜以車服弓矢是也師古曰

總列九錫應說是也進賢一錫瓚說是也不貢士壹則黜爵再則黜地三

則黜爵地畢矣李奇曰爵地俱削盡夫附下罔上者死附上下者刑與聞國政而無益於民者斥師古曰與讀曰豫斥謂弄逐之在上位而不能進賢者退此所目勸善黜惡也今詔書昭先帝聖緒令二千石舉孝廉所以化元元移風

陰按說苑臣術  
篇云秦誓曰附  
下而罔上者死  
附下而罔上者  
刑聞國政而無  
益于民者退在  
上位而不能進  
賢者逐此所以  
勸善而黜惡也

說苑所載與詔語同而師古不接以為證何歟

易俗也不舉孝不奉詔當以不敬論張晏曰謂其不勤求士報國不察廉不勝任也當免張晏曰當率身化下今親宰牧而無賢人為不勝任也

奏奇十二月江都王非薨春三月甲子立皇后衛氏

詔曰朕聞天地不變不成施化陰陽不變物不暢茂

易曰通其變使民不倦師古曰此易下繫之辭也言通物之變故能樂其器用不

懈倦也詩云九變復貫知言之選臣瓚曰先王創制易教以救流弊也是以

三王之教有文有質九數之多也師古曰貫事也選擇也論語曰仍舊貫此言文質不同寬猛殊用循環

復舊擇善而從之瓚說近之也朕嘉唐虞而樂殷周據舊以鑿新師古曰追觀舊跡以知新政而為鑿戒

其赦天下與民更始諸逋貸及辭訟在孝景後二年目前皆勿聽治師古曰逋亡也久負官物亡匿不還

者皆謂之逋逋音布胡反秋匈奴入遼西殺太守入漁陽鴈門敗

都尉殺略三千餘人遣將軍衛青出鴈門將軍李息

出代獲首虜數千級東夷歲君南閭等口二十八萬

人服虔曰穢猶在辰韓之北高句麗濊之南東窮于大海晉灼曰歲古穢字師古曰南閭者歲君之名

降為蒼海郡魯王餘長沙王發皆薨

二年冬賜淮南王菑川王几杖毋朝師古曰淮南王安菑川王志皆

武帝諸父列也故賜几杖焉春正月詔曰梁王城陽王親慈同生

又類曰願慈愛也呂邑分弟其許之諸侯王請與子弟邑者

朕將親覽使有列位焉於是藩國始分而子弟畢侯

矣匈奴入上谷漁陽殺略吏民千餘人遣將軍衛青

志誤矣菑川王傳皆云菑川王志以元光五年薨而顏以元朔二年賜几杖為菑川王志誤矣

菑川王傳皆云菑川王志以元光五年薨而顏以元朔二年賜几杖為菑川王志誤矣

諸侯而分其執之意

楊慎曰內長文之語不可解舊本以內為而長為肆肆文為肆赦于下文尤為貫穿

李息出雲中至高闕師古曰山名也一曰塞名也在朔方之北遂西至符離師古曰幕北塞名也獲首虜數千級收河南地置朔方五原郡三月乙亥晦日有蝕之夏募民徙朔方十萬口又徙郡國豪傑及訾二百萬呂上于茂陵秋燕王定國有罪自殺

三年春罷蒼海郡二月詔曰夫刑罰所呂防姦也內

長文所呂見愛也晉灼曰長音長吏之長張晏曰長文長文德也師古曰詔言有文德者即親內而崇長之所以見仁愛之道見謂顯示也音胡電反呂百姓之未洽于教

化朕嘉與士大夫日新厥業祗而不解其赦天下夏匈奴入代殺太守入鴈門殺略千餘人六月庚午皇

太后崩秋罷西南夷城朔方城令民大酺五日

四年冬行幸甘泉夏匈奴入代定襄上郡殺略數千人

五年春大旱大將軍衛青將六將軍兵十餘萬人出

朔方高闕獲首虜萬五千級夏六月詔曰蓋聞導民

呂禮風之呂樂師古曰風教也詩序曰上以風化下今禮壞樂崩朕甚

閔焉故詳延天下方聞之士咸薦諸朝師古曰方道也聞博聞也

言悉引有道博聞之士而進於朝也禮記曰隆禮由禮謂之有方之士又曰博聞強識而讓謂之君子一

日方謂其令禮官勸學講議洽聞舉遺興禮呂為天

下先師古曰舉遺逸太常其議予博士弟子崇鄉黨

陳仁子曰三代禮樂絕于秦至漢武稍知興復如兒寬講封禪趙綰草巡狩司馬相如為詩賦李延年協律雖慕其名未究其實當時齊魯諸儒間有存者在廷有一董仲舒而帝不能用乃以付之寬綰教

子吾知帝不足  
論禮樂矣元朝  
詔曰舉遺興禮  
以為天下先噫  
帝不能知人亦  
豈足任考文制  
度之事  
立濟曰此即史  
所謂漢興高帝  
平定四海未皇  
庠序之事至武  
帝始興大學者  
也

之化。呂厲賢材焉。師古曰為博士置弟子既得崇丞  
相弘請為博士置弟子員。師古曰學者益廣秋匈奴  
入代殺都尉。

六年春二月大將軍衛青將六將軍兵十餘萬騎出  
定襄斬首三千餘級還休士馬于定襄雲中鴈門赦

天下夏四月衛青復將六將軍絕幕。應劭曰幕沙幕

臣瓚曰沙土曰幕直度曰絕師古曰應瓚二說皆是  
也而說者或云是塞外地名非矣幕者即今之突厥  
中磧耳李陵歌曰大克獲前將軍趙信軍敗降匈奴  
經萬里兮渡沙幕

右將軍蘇建亡軍獨身脫還贖為庶人六月詔曰朕  
聞五帝不相復禮三代不同法所繇殊路而建德一

也。師古曰復因蓋孔子對定公呂徠遠。臣瓚曰論語

也音扶目反葉公問政於孔子孔子答以悅  
近徠遠今云定公與二書異哀公問政仲尼曰政在節用  
哀公問政仲尼景公問政仲尼曰政在節用

非期不同所急異務也。李奇曰期要也非要當必今  
中國一統而北邊未安朕甚悼之曰者大將軍巡朔

方征匈奴斬首虜萬八千級諸禁錮及有過者咸蒙  
厚賞得免減罪。師古曰有罪者或今大將軍仍復克

獲。師古曰斬首虜萬九千級受爵賞而欲移賣者無  
仍類也所流貶。師古曰許慎說文解字云貶物之重次第也

為置官級也貶音弋賜反今其議為令有司奏請置  
俗猶謂凡物一重為一貶也

武功賞官臣寵戰士。

元狩元年應劭曰獲白麟因改元曰元狩也冬十月行幸雍祠五時

獲白麟師古曰麟麋身牛尾馬足黃色園蹄一角角端有肉作白麟之歌十一

陰校淮南衡山謀逆事詐本傳

月淮南王安衡山王賜謀反誅黨與死者數萬人十

二月大雨雪民凍死夏四月赦天下丁卯立皇太子

賜中二千石爵右庶長師古曰第十一等爵民為父後者一級

詔曰朕聞咎繇對禹曰在知人知人則哲惟帝難之

傷則心憺怛師古曰憺痛也怛悼也憺音千感反怛音丁曷反日者淮南衡

山修文學流貨賂兩國接壤怵於邪說師古曰怵者誘也音如戌

陳仁子曰帝自元朔以來其後並興賦歛日倍民且狼顧雖日遣巡行之使於民竟何益哉吾嘗考帝之遣使有二元狩遣使者巡行不過察

而造篡弑此朕之不德詩云憂心慘慘念國之

為虐師古曰小雅正月之貌已赦天下滌除與之更始

朕嘉孝弟力田哀夫老眊孤寡鰥獨師古曰眊古耄字八十曰耄耄耄

或匱於衣食甚憐愍焉其遣謁者巡行

天下存問致賜師古曰致送至也曰皇帝使謁者師古曰謁者今使者

賜縣三老孝者帛人五匹鄉三老弟者力田

帛人三匹年九十以上及鰥寡孤獨帛人二匹絮三

斤八十以上米人三石有冤失職使者臣聞師古曰職常也

縣鄉即賜毋贅聚如淳曰贅會也今勿擅徵召贅聚三

五月乙巳晦

失職者失其常業及常理也老孝弟力田也師古曰即就也各遣就其所居而賜之勿會聚也贅音之銳反

反側之心六年遣博士巡行不遺舉兼并之徒其意果真在民耶

日有蝕之。匈奴入上谷，殺數百人。

二年冬十月，行幸雍祠五時。春三月，戊寅，丞相弘薨。

遣驃騎將軍霍去病出隴西至臯蘭。師古曰：臯蘭山名也。霍去病傳云：過馬支山，千有餘里，合短兵，鏖臯蘭下，則此山也。非河名也。白石縣在金城，又不屬隴西。應說並失之。

鏖音烏。曹反。斬首八千餘級，夏，馬生余吾水中。應劭曰：在朔方北也。

南越獻馴象。應劭曰：馴者，教能拜也。起周章從人意也。能言鳥。師古曰：即鸚鵡也。今隴西及南海並有之。萬震南州異物志云：有白及種白一種，青一種，五色交州以南諸國盡有之。白及五色者，其性尤慧，解蓋謂此也。

將軍去病、公孫敖出北地二千餘里。

過居延。師古曰：居延，匈奴中地名也。韋昭以為張掖縣失之。張掖所置居延縣者，以安處所獲居延人而置此縣。斬首虜二萬餘級，匈奴入鴈門，殺略數百人。

遣衛尉張騫郎中令李廣皆出右北平。廣殺匈奴三千餘人，盡亡其軍四千人。獨身脫還。及公孫敖、張騫皆後期，當斬，贖為庶人。江都王建有罪，自殺。膠東王

寄薨。秋，匈奴昆邪王殺休屠王，其衆合四萬餘人來降。置五屬國以處之。師古曰：凡存其國號而屬漢朝，故曰屬國。呂其地為武威、酒泉郡。師古曰：武威今涼州也。酒泉今

肅州。

三年春，有星孛于東方。夏五月，赦天下。立膠東康王

少子慶為六安王，封故相國蕭何曾孫慶為列侯。秋，

匈奴入右北平，定襄，殺略千餘人。遣謁者勸有水災

立曆曰：此胡酋來降之始，嗚呼！

决内外之防，混華夷之俗，魏晉以來，夷狄亂華，其幾實肇于此。

其衆合四萬餘人來降。置五屬國以處之。

存其國號而屬漢朝，故曰屬國。

呂其地為武威、酒泉郡。

師古曰：武威今涼州也。酒泉今肅州。

三年春，有星孛于東方。夏五月，赦天下。立膠東康王

少子慶為六安王，封故相國蕭何曾孫慶為列侯。秋，

匈奴入右北平，定襄，殺略千餘人。遣謁者勸有水災

郡種宿麥師古曰秋冬種之經舉吏民能假貸貧民

者呂名聞師古曰貸音吐戴反減隴西北地上郡戍卒半發謫

吏穿昆明池池更發有貨者為吏也臣瓚曰西南夷

傳有越嵩昆明國有滇池方三百里漢使求身毒國

而為昆明所閉今欲伐之故作昆明池象之以習水

戰在長安西南周回四十里食貨志又曰時越欲與

漢用船戰遂乃大修昆明池也師古曰謫吏吏有罪

者罰而役之四年冬有司言關東貧民徙隴西北地西河上郡會

稽凡七十二萬五千口縣官衣食振業用度不足請

收銀錫造白金及皮幣以足用應劭曰時國用不足

以薦壁又造銀錫初算緡錢李斐曰緡絲也以貫錢

為白金見食貨志也一貫千錢出算二十

也春有星孛于東北夏有長星出于西北大將軍衛

青將四將軍出定襄將軍去病出代各將五萬騎步

兵踵軍後數十萬人師古曰踵接也青至幕北圍單

于斬首萬九千級至闐顏山乃還鄧展曰闐音去病

與左賢王戰斬獲首虜七萬餘級封狼居胥山迺還

師古曰登山祭天築土為兩軍戰士死者數萬人前

將軍廣後將軍食其皆後期廣自殺食其贖死師古

寫者誤以右為五年春三月甲午丞相李蔡有罪自殺師古

後食其音異其五年春三月甲午丞相李蔡有罪自殺文穎曰李廣

地天下馬少平牡馬匹二十萬如淳曰貴平牡馬罷

賈欲使人競畜馬

上濬曰用皮為幣雖與後世楮鈔不同然不用金銀銅錫為幣而用他物代之

則權輿于此又曰此漢以來征權居貨之始嗚呼出諸途者既征其齎載之且藏諸家者又筭其儲積之物取利之盡一至此哉

隆按李廣以失大將軍指自殺詳具本傳

半兩錢行五銖錢徙天下姦猾吏民於邊

六年冬十月賜丞相呂下至吏二千石金千石呂下

至乘從者帛晉灼曰乘騎諸從者蠻夷錦各有差雨水亡冰夏

四月乙巳廟立皇子閔為齊王旦為燕王胥為廣陵

王師古曰於廟中策命之初作誥服虔曰誥教王如尚書諸誥也李斐曰今教封拜諸侯王

策文亦是也見武五子傳六月詔曰日者有司以幣輕多姦李奇曰幣

錢也輕者若一馬直二十萬是為幣輕而物重也重難得則用不足而姦生農傷而未眾

師古曰未謂工商也又禁兼并之塗李奇曰謂大家兼役小民富者兼役貧民欲平之也

故改幣呂約之李奇曰更去半兩錢行五銖錢皮幣以檢約姦邪稽諸往古

制宜於今師古曰稽考也廢期有月如淳曰期音替自往年三月至今年四月替有

真德秀曰按食貨志今縣官銷半兩錢更鑄三銖錢皆以興利而楮大等之出亦為舉兼并之徒是時張湯方用事蓋其所建請也而此詔乃以存問鰥寡舉獨行為之詞豈

餘月而山澤之民未諭師古曰未諭者未曉告示之意夫仁行而從

善義立則俗易意奉憲者所呂導之未明與將百姓

所安殊路而橋虔吏因乘執呂侵蒸庶邪韋昭曰凡稱詐為橋

強取為虔師古曰橋與矯同何紛然其擾也今遣博士大等六人

分循行天下師古曰褚大也存問鰥寡廢疾無呂自振業者

貸與之諭三老孝弟呂為民師舉獨行之君子徵詣

行在所師古曰天子或在京師或出巡朕嘉賢者樂

知其人廣宣厥道士有特招使者之任也李奇曰設

異行當特招者任在使者分別之詳問隱處亡位及冤失職師古曰

被任用也冤屈也姦猾為害野荒治苛者舉奏師古

失職失其常業也野

其誠哉武帝詔令大抵出于空文非高文比也



荒言田畝不闢也。郡國有所臣為便者，上丞相御史

臣聞秋九月，大司馬驃騎將軍去病薨。

元鼎元年，應劭曰得寶鼎，故因是改元。夏五月，赦天下。大酺五日。

得鼎汾水上。濟東王彭離有罪廢，徙上庸。應劭曰春秋時庸國。

二年冬十一月，御史大夫張湯有罪自殺。十二月，丞

相青翟下獄死。師古曰：莊青翟。春起柏梁臺。服虔曰：用百頭，梁作臺，因名焉。

三月，大雨雪。夏大水。

關東餓死者百千數。秋九月，詔曰：仁不異遠，義不辭

難。師古曰：遠近如一，是為仁。不憚艱難，是為義也。今京師雖未為豐年，山

林池澤之饒，與民共之。今水潦移於江南，迫隆冬至，

隆按張湯有罪自殺詳具本傳。王維楨曰：漢人本經術以為治，故其詔書所下，顯顯然多以教化仁政為言，而略不及于法令征賦。此猶有古人尚德不尚刑之遺意。隆按當其時軍旅頻興，賦役煩

重武帝不反其所以耗財之故，而思為節之，而徒曰勸種宿麥，曰徙關東貧民，曰舉振救饑民，者是所謂培其末而傷其本也。奚益哉。

隆按極義縱傳告緡之令當是六年冬。

朕懼其飢寒不活，江南之地，火耕水耨。應劭曰：燒草與稻並生，高七八寸，因悉芟去，復下水灌之，草死，獨稻長，所謂火耕水耨。方下巴蜀之粟

致之江陵，遣博士中等分循行諭告，所抵無令重困

吏民有振救饑民，免其危者，具舉臣聞

三年冬，徙函谷關於新安。應劭曰：時樓船將軍楊僕書乞徙東關，以家財給其用度，武帝意亦好廣闊，於是徙關於新安，去弘農三百里。以故關為

弘農縣。十一月，令民告緡者，以其半與之。孟康曰：有民得告言，以半與之。

正月，戊子，陽陵園火。夏四月，雨雹。關東郡

國十餘，飢人相食。常山王舜薨，子敦嗣立，有罪廢，徙

房陵。

四年冬十月行幸雍祠五時賜民爵一級女子百戶

牛酒行自夏陽東幸汾陰師古曰夏陽馮翊之縣也汾陰屬河東汾音扶云反

十一月申子立后土祠于汾陰其形高起如人

屍胙故以名云一說此臨汾水之上地名本名鄧音與蔡同彼鄉人呼蔡音如誰故轉而為胙字耳故漢舊儀云

禮畢行幸滎陽還至洛陽詔曰祭地異州服虔曰后

土祠在汾陰汾陰本異州地也周時乃分為并州爾雅曰兩河間曰異州瞻望河洛巡省

豫州觀于周室邈而無祀師古曰邈遠絕之意詢問耆老廼得

孽子嘉其封嘉為周子南君呂奉周祀師古曰子南其封邑之號

以為周後故總言周子南君例不先言姓而後稱君且自嘉已下皆姓姬氏著在史傳春二月

中山王勝薨夏封方士藥大為樂通侯位上將軍六

月得寶鼎后土祠旁秋馬生渥洼水中李斐曰南陽新野有暴利

長當武帝時遭刑屯田燉煌界數於此水旁見羣野馬中有奇異者與凡馬來飲此水利長先作土人持

勒鞞於水旁後馬玩習久之代土人持勒鞞收得其馬獻之欲神異此馬云從水中出蘇林曰注音塞曲

之塞師古曰渥音握注音於佳反作寶鼎天馬之歌立常山憲王子

商為泗水王

五年冬十月行幸雍祠五時遂踰隴應劭曰隴隴阨坂也師古曰即

今之隴山阨音丁禮反登空同應劭曰山名也西臨祖厲河而還李斐曰音

嗟十一月辛巳朔旦冬至立泰時于甘泉天子親郊

見師古曰祠太一也見音明電反朝日夕月師古曰春朝朝日秋暮夕月蓋常禮也郊泰時

而揖日月詔曰朕呂眇身託于王侯之上師古曰眇此又別儀細末也

漢書卷六十一 武帝 七

德未能綏民。師古曰：綏，安也。民或飢寒，故巡祭后土。呂祈豐

年。冀州隍壤，迺顯文鼎，獲薦於廟。師古曰：得鼎，祠旁。祠在隍上，或云隍

壤，壤謂土也。文鼎，言其有刻鏤之文。渥洼水出馬。朕其御焉。戰戰兢兢，

懼不克任。思昭天地，內惟自新。詩云：四牡翼翼，呂征

不服，親省邊垂，用事所極。李斐曰：極，至也。所至者，望

見泰一，修天文壇。文類也。禮祭也。師古曰：朝，日夕月，即天文壇之謂也。辛卯夜

若景光，十有二明。易曰：先甲三日，後甲三日。應劭曰：先甲三

日，辛也。後甲三日，丁也。言王者齋戒必自新臨事必自丁寧。師古曰：此易蠱卦之辭。朕甚念年

歲未咸登。師古曰：登，謂百穀成也。讀與救同。丁酉拜

況于郊。師古曰：況，賜也。辛夜有光，是先甲三日也。夏

隆按南越相反事詳具南越傳

四月，南越王相呂嘉反，殺漢使者及其王王太后，赦

天下。丁丑晦，日有蝕之。秋，鼃蝦墓鬪。師古曰：鼃，蝦也。似蝦而長，時

其色青，音下，媧反。蝦音遐。墓音麻，龜音莫，幸反。遣伏波將軍路博德出桂陽

下湟水，樓船將軍楊僕出豫章，下湟水。蘇林曰：湟音控，控之控師

古曰音歸義越侯嚴為戈船將軍，出零陵，下離水。張

丈庚反。曰：嚴故越人，降為歸義侯。越人於水中負人船，又有蛟龍之害，故置戈於船下，因為名也。臣瓚曰：伍子胥書有戈船以載干戈，因謂之戈船也。離水出零陵

師古曰：以樓船之例言之，則非為載干戈也。此蓋船下安戈戟，以御蛟龍。甲為下瀨將軍，下蒼梧。服虔曰：水蟲之害，張說近之。

人歸漢者也。臣瓚曰：瀨，湍也。吳越謂之瀨。中國皆將謂之磧。伍子胥書有下瀨船。師古曰：瀨音賴。

罪人江淮，呂南樓船十萬人，越馳義侯遺。應劭曰：亦越人也。

劉放曰：宜以噴說為是。

別將巴蜀罪人發夜郎兵下牂柯江咸會番禺如淳曰音

番禺尉佗所都師古曰即今之廣州九月列侯坐獻黃金酎祭宗廟不

如法奪爵者百六人丞相趙周下獄死樂通侯樂大

坐誣罔要斬西羌衆十萬人反與匈奴通使攻故安

圍枹罕鄧展曰枹音鉄罕音漢師古曰枹罕金城之縣也罕讀如本字匈奴入五原

殺太守

六年冬十月發隴西天水安定騎士及中尉河南河

內卒十萬人遣將軍李息郎中令徐自爲征西羌平

之行東將幸緱氏師古曰河南縣也緱音工侯反至左邑桐鄉師古曰左

邑河東之縣也桐鄉其鄉名也聞南越破呂爲聞喜縣春至汲新中

鄉師古曰汲河內縣新中其鄉名得呂嘉首呂爲獲嘉縣馳義侯遺

兵未及下上便令征西南夷平之師古曰便音頻面反遂定越

地呂爲南海蒼梧鬱林合浦交阯九真日南珠厓儋

耳郡應劭曰二郡在大海中崖岸之邊出真珠故曰珠厓儋耳者種大耳渠率自謂王者耳尤緩下

肩三寸張晏曰異物志二郡在海中東西千里南北五百里珠厓言珠若崖矣儋耳之云鏤其頰皮上連

耳匡分爲數支狀似雞腸累耳下垂臣瓚曰茂陵書珠崖郡治暉都去長安七千三百二十四里儋耳去

長安七千三百六十八里領縣五師古曰儋音丁甘反字本作瞻暉音審定西南夷呂爲

武都牂柯越雋沈黎文山郡孟康曰雋音髓本邛都服虔曰今蜀郡北邛都

尉所治本笮都也臣瓚曰茂陵書沈黎治笮都去長安三千三百三十五里領縣二十一應劭曰文山今

蜀郡崕山本冉駹是也秋東越王餘善反攻殺漢將吏遣橫海

將軍

將軍韓說中尉王溫舒出會稽師古曰說讀曰悅樓船將軍

楊僕出豫章擊之。又遣浮沮將軍公孫賀出九原臣瓚

曰浮沮井名在匈奴中去九原二千匈奴將軍趙破

奴出令居臣瓚曰匈奴水名在匈奴中去今皆二千

餘里不見虜而還。迺分武威酒泉地置張掖敦煌郡。

師古曰敦音徒門反徙民呂實之。

元封元年應劭曰始封泰山故改元冬十月詔曰南越東甌咸伏

其事。西蠻北夷頗未輯睦。朕將巡邊垂。擇兵振旅躬

秉武節。置十二部將軍親帥師焉。行自雲陽北歷上

郡西河五原出長城北登單于臺至朔方臨北河勒

兵十八萬騎。旌旗徑千餘里。威震匈奴。遣使者告單

于曰南越王頭已縣於漢北闕矣。單于能戰天子自

將待邊不能亟來臣服何但亡匿幕北寒苦之地為。

匈奴讐焉師古曰讐失氣也音之涉反還祠黃帝於橋山應劭曰在上郡

周陽縣有黃帝冢迺歸甘泉東越殺王餘善降。詔曰東越險

阻反覆為後患。遷其民於江淮間。遂虛其地。春正

月行幸緱氏。詔曰朕用事華山。至于中嶽文穎曰嵩高也在穎

川陽獲駃騠。見夏后啓母石師古曰啓夏禹子也其母塗山氏女也禹治鴻

水通轅轅山化為熊謂塗山氏曰欲餉聞鼓聲乃來

禹跳石誤中鼓塗山氏往見禹方作熊慙而去。至嵩

劉放曰此石本名啓母石武帝避景諱更號夏后母石後人又誤重出啓字皮日休曰或問夏禹為黃熊信

乎哉子曰非也感也夫簡狄吞鳥卵而生契姜源履大跡而產稷是也當禹之母夢而生耳不然者禹誠是熊是以聖人為國象也

之非當 **翌日親登嵩高** 應劭曰御史乘屬在廟旁吏

卒咸聞 **嵩高者三** 灼曰天子出御史除二人為乘

曹護車駕荀悅曰萬歲山神稱之也應劭曰嵩高縣

有上中下萬歲里師古曰乘屬如晉二說是也乘音

食證 **登禮罔不答** 師古曰言登禮其令祠官加增太

室祠 韋昭曰嵩高山有太室少室 **禁無伐其草木** 呂

山下戶三百為之奉邑名曰崇高 師古曰謂之崇者

用獨給祠復亡所與 師古曰與 **行遂東巡海上夏四**

月癸卯上還登封泰山 孟康曰王者功成治定告成

刻石紀號有金策石甬金泥玉檢之封焉應劭曰封

者壇廣十二丈高二丈階三等封於其上示增高也

刻石紀績也立石三大一尺其辭曰事天以禮立身

以義事親以孝育民以仁四守之內莫不為郡縣四

夷八蠻咸來貢職與天無極人民蕃息天祿永得尚

玄酒而俎生魚下禪梁父祀地主示增廣此古制也

武帝封廣丈二尺高九尺其 **降坐明堂** 臣瓚曰郊祀

下則有滕書秘語在郊祀志 **詔曰朕以眇身**

太山太山東北陞古時有明堂處則 **承至尊兢兢焉惟德菲薄不明于禮樂** 師古曰菲亦

此所坐者也明年秋乃作明堂耳 **故用事八神** 文類曰武帝祭太一并祭名山於太

神也一日 **遭天地況施** 應劭曰況賜也施與也言 **見景象脊然如有聞震于怪物欲止不敢遂登封泰**

劉放曰八神則郊祀志所說天主地主兵主陰主陽主日主月主四時主也宋祁曰姚本云脊先結反唇同隆按著見景象即上夜若景光脊然如有聞即上三呼萬歲

隆按武帝賑饑除租之詔即不絕于紀而征伐土木神仙之事昭然簡策也讀者並而觀之史氏之微意自見

巡至博奉高蛇丘歷城梁父鄭氏曰蛇音移民田租逋賦貸

已除師古曰逋賦未出賦者也逋貸官以物貸之而未還也加年七十呂上孤

寡帛人二匹四縣無出今年算師古曰自博至梁父凡五縣今云四縣毋

出算者奉高一縣素賜天下民爵一級女子百戶牛以供神非算限也

酒行自泰山復東巡海上至碣石文穎曰在遼西綏縣綏縣今罷屬臨

榆此石著海旁師古曰碣碣然特立之貌也音其列反自遼西歷北邊九原歸

于甘泉秋有星孛于東井又孛于三台齊王閔薨

二年冬十月行幸雍祠五時春幸緱氏遂至東萊夏

四月還祠泰山至瓠子臨決河服虔曰瓠子隄名也在東郡白馬蘇林曰

在鄆城以南漢陽以北廣百步深五丈命從臣將軍呂下皆負薪塞河

隄作瓠子之歌赦所過徒賜孤獨高年米人四石還

作甘泉通天臺長安飛廉館應劭曰飛廉神禽能致風氣者也明帝永平五

年至長安迎取飛廉并銅馬置上西門外名平樂館董卓悉銷以為錢晉灼曰身似鹿頭如爵有角而蛇

尾文如豹文師古曰通天臺者言此臺高上通於天也漢舊儀云高三十丈望見長安城朝鮮王

攻殺遼東都尉廼募天下死罪擊朝鮮六月詔曰甘

泉宮內中產芝九莖連葉應劭曰芝芝草也其葉相連如淳曰瑞應圖王者敬

事耆老不失舊故則芝草生師古曰上帝博臨不異

下房賜朕弘休師古曰上帝天也博廣也弘大也休美也言天廣臨不以下房為幽側而

隔異之賜以此其赦天下賜雲陽都百戶牛酒晉灼曰雲芝是大美也

陽甘泉黃帝以來祭天圓丘處也武帝常以避暑有宮觀故稱都也師古曰此說非也都謂縣之所居在

宮側者耳賜不徧其境內故指稱其都非謂天子之都也若以有宮觀稱都則非止雲陽矣

房之歌秋作明堂于泰山下遣樓船將軍楊僕左將

軍荀彘將應募罪人擊朝鮮應劭曰樓船者時欲擊越非水不至故作大船上施樓也

又遣將軍郭昌中郎將衛廣發巴蜀兵平西南

夷未服者呂為益州郡

三年春作角抵戲文穎曰名此樂為角抵者兩兩相當角力角技藝射御故名角抵蓋

雜技樂也巴俞戲魚龍曼延之屬也漢後更名平樂觀師古曰抵者當也三百里內皆來

觀夏朝鮮斬其王右渠降師古曰右渠朝鮮王名呂其地為樂

浪臨屯玄菟真番郡臣瓚曰茂陵書臨屯郡治東腕縣去長安六千一百三十八里

十五縣真番郡治雲縣去長安七千六百四十里十五縣師古曰樂音洛浪音郎番音普安反腕音弋支

隆按兩將軍爭功詳朝鮮傳中

反雲音樓船將軍楊僕坐失亡多免為庶民左將軍

荀彘坐爭功弃市秋七月膠西王端薨武都氏人反

分徙酒泉郡師古曰不盡徙

四年冬十月行幸雍祠五時通回中道應劭曰回中在安定高平

有險阻蕭關在其北通治至長安也師古曰回中在安定北通蕭關應說是也而云治道至長安非也蓋

自回中通道以出蕭關回中宮在汧者或取安定回中為名耳非今所通道也

遂北出蕭關如淳曰匈奴傳入朝那蕭關蕭關在安定朝那縣也

歷獨鹿鳴澤服虔曰獨鹿山名鳴澤澤名皆在涿郡自代而還幸河東春三月祠后土詔曰

朕躬祭后土地祗見光集于靈壇一夜三燭服虔曰燭音炷

幸中都宮殿上見光師古曰中都其赦

也讀如本字師古曰燭謂照也讀如本字



汾陰夏陽中都死罪呂下賜三縣及楊氏皆無出今

年租賦師古曰楊氏河東聚邑名夏大旱民多暍死如淳曰暍音

死也秋呂匈奴弱可遂臣服廼遣使說之單于使來

死京師匈奴寇邊遣拔胡將軍郭昌屯朔方

五年冬行南巡狩至于盛唐韋昭曰在南郡望祀虞舜于九

嶷文類曰九嶷山半在蒼梧半在零陵師古曰嶷音疑其山九峯形勢相似故曰九嶷山登瀟

天柱山應劭曰瀟音若潛南嶽霍山在瀟瀟縣名屬廬江師古曰瀟音與潛同自尋陽

浮江親射蛟江中獲之師古曰許慎云蛟龍屬也郭璞說其狀云似蛇而四脚細

頸頸有白嬰大者數圍卵生子如一二斛瓮能吞人也舳舻千里李斐曰舳船後持柂處也

舳舻前頭刺擢處也言其船多前後相薄後持柂處也薄樅陽而出

服虔曰縣名屬廬江師古曰樅音千松反作盛唐樅陽之歌遂北至琅邪

並海師古曰並讀曰傍所過禮祠其名山大川春三

月還至太山增封甲子祀高祖于明堂呂配上帝因

朝諸侯王列侯受郡國計師古曰計若今夏四月詔

曰朕巡荆揚韓江淮物也如淳曰韓合也物猶神也會大

海氣鄭氏曰會合海神呂合泰山師古曰集江淮之神

太山然後修上天見象增修封禪師古曰見其赦天

下所幸縣毋出今年租賦賜鰥寡孤獨帛貧窮者粟

還幸甘泉郊泰畤大司馬大將軍青薨初置刺史部

十三州師古曰漢舊儀云初分十三州假刺史印綬有常治所治以秋分行部御史為駕四封乘

漢書卷六 武帝 五

吳京曰詔雖借馬喻茂材其實伯樂空冀北之群亦不外此當時與十萬之師直抵大宛不過為一善馬故武帝好賢其能踰于好馬耶

傳到所部郡國各遣一名臣文武欲盡詔曰蓋有非

常之功必待非常之人故馬或奔蹏而致千里師古曰蹏

也奔走也奔蹏者乘之即師古曰蹏音徒計反士或有負俗之累而立

功名晉灼曰負俗謂夫泛駕之馬師古曰泛覆也音

後通用耳覆駕者言馬方勇反字本作要蹏弛之士如淳曰蹏音拓弛

不入俗檢而見斥逐者也師古曰蹏者蹏落無檢局

也弛者放廢不遵禮度也蹏音土各反弛音式爾反

亦在御之而已其令州郡察吏民有茂材異等應劭曰舊

言秀才避光武諱稱茂材異等者超等軼羣不與凡同也師古曰絕遠之外可為將相及使絕國者

六年冬行幸回中春作首山宮應劭曰首山在上郡

穎曰在河東蒲坂界師古曰尋三月行幸河東祠后

土詔曰朕禮首山昆田出珍物化或為黃金應劭曰昆田首

山之下田也武帝祠首山故神為出珍物化為黃金祭后土神光三燭其赦汾

陰殊死呂下賜天下貧民布帛人一匹益州昆明反

赦京師亡命令從軍遣拔胡將軍郭昌將呂擊之夏

京師民觀角抵于上林平樂館秋大旱蝗

太初元年應劭曰初用夏正以正月冬十月行幸泰

山十一月甲子朔旦冬至祀上帝于明堂乙酉柏梁

臺災十二月禮高里伏儼曰山名祠后土東臨渤海

望祠蓬萊春還受計于甘泉師古曰受郡國所上計

立濬曰冬十一月甲子朔旦冬至此千載之日至所謂曆元也武帝始用孔子答顏淵為邦之間之言欲用夏

正而天道遠與之合符遂為萬世不可易之制豈偶然哉又曰古曆有六家黃帝顓帝夏商周魯是也秦用顓帝曆漢初因之至武帝始用公孫卿等言曆紀廢壞宜改正朔元寬議以為宜用夏正迺詔卿等造漢太初曆自是以後曆法數改矣

二月起建章宮

文穎曰越巫名勇謂帝曰越國有火災即復大起宮室以厭勝之故帝作建章宮師古曰在未央宮西今長安故城西俗所呼貞女樓者即建章宮之闕也夏五月正

歷呂正月為歲首

師古曰謂以建寅之月為正也未正歷之前謂建亥之月為正今此言以正月為歲首色上黃數用五

者史追正其月名印文也若丞相曰丞相之印章諸卿及守相印文不足五字者以之足之定官名協音律

遣因杆將軍公孫敖

服虔曰匈奴地名因所征以名將軍也師古曰杆音羽俱反

築塞外受降城秋八月行幸安定

遣貳師將軍李廣

利發天下謫民西征大宛

張晏曰貳師大宛城名師古曰庶人之有罪謫者也蝗從東方飛至敦煌

二年春正月戊申丞相慶薨

三月行幸河東

隆按皆有光應指上文兩見光與神光三燭而言

祠后土令天下大酺五日腰五日祠門戶比臘

如淳曰腰音樓漢儀注立秋臘伏儼曰腰音劉劉殺也蘇林曰臘祭名也龜虎屬常以立秋日祭獸王者亦以此日出臘還以祭宗廟故有龜臘之祭也師古曰續漢書作龜劉臘劉義各通耳臘者冬至後臘祭百神也臘音來

夏四月詔曰朕用事介山祭后土皆有光應

死呂下五月籍吏民馬補車騎馬

師古曰籍者總入籍錄而取之秋

蝗遣浚稽將軍趙破奴二萬騎出朔方擊匈奴不還

冬十二月御史大夫兒寬卒

師古曰兒音五兮反

三年春正月行東巡海上夏四月還修封泰山禮石

閭

應劭曰石閭山在太山下遣光祿勳徐自為築五

原塞外列城

晉灼曰地理志從五原桐陽縣北出西石門鄣即徐所築城師古曰桐音固

北至盧胸

張晏曰山名師古曰胸音劬

游擊將軍韓說將兵屯之

强弩都尉路博德築居延秋匈奴入定襄雲中殺略

數千人行壞光祿諸亭障

應劭曰光祿勳徐自為所築列城今匈奴從此往壞

敗也師古曰漢制每塞要處別築為城置人鎮守謂之候城此即障也音之向反

又入張掖

酒泉殺都尉

四年春貳師將軍廣利斬大宛王首獲汗血馬來

應劭

曰大宛舊有天馬種蹋石汗血汗從前肩膊出如血號一日千里師古曰蹋石者謂蹋石而有跡言其蹏

堅作西極天馬之歌秋起明光宮

師古曰三輔黃圖云在成都侯商避暑借明光宮蓋謂此

冬行幸回中徙弘農都尉治武關

稅出入者呂給關吏卒食

天漢元年

應劭曰時頻年苦旱故改元為天漢以祈

早災修德勤政而能致雨故依以為年號也

春正月行幸甘泉郊泰畤三

月行幸河東祠后土匈奴歸漢使者使使來獻夏五

月赦天下秋閉城門大搜

臣瓚曰漢帝年記六月禁

搜索踰侈者也師古曰踰侈者踰法度而奢侈也

發謫戍屯五原

二年春行幸東海還幸回中夏五月貳師將軍三萬

騎出酒泉與右賢王戰于天山

晉灼曰在西域近蒲類國去長安入千餘

里師古曰即祁連山也匈奴謂天為祁連祁音巨夷反今鮮卑語尚然

斬首虜萬餘級

又遣因杆將軍出西河騎都尉李陵將步兵五千人

隆按考異云臣瓚注六月禁踰修七月大搜則搜索踰侈者不必閉城門大搜蓋搜姦人耳

隆按陵降匈奴  
詳具本傳

李夢陽曰孔子  
云君子之德風  
小人之德草政  
之行風行之也  
漢武令直指使  
者誅捕無道而  
海內愈擾以不  
知風耳傳曰知  
風之自  
呂祖謙曰周公  
作酒酤此是恐  
人沈湎浸漬傷  
德敗性之意及

其再變如文帝  
為酤景帝禁民  
酤酒雖與古人  
不同然猶有重  
本抑末之心及  
至三變私羊建  
權酒之利蓋不  
過私家不得擅  
利公家却自專  
其利耳

劉子暈曰武帝  
勤兵四夷禍流  
中外而卒得無  
他者賴前有文  
景累培基址後  
有詔宜撫養瘡  
痍耳不然天下  
土崩久矣  
隆按武帝征伐  
四夷二十餘年  
海內騷動矣然

出居延北與單于戰斬首虜萬餘級陵兵敗降匈奴

秋止禁巫祠道中者師古曰總禁百姓巫大搜臣瓚曰搜

渠黎六國使使來獻臣瓚曰渠黎泰山琅邪

羣盜徐勃等阻山攻城師古曰阻山者依道路不通

遣直指使者暴勝之等衣繡衣杖斧分部逐捕師古曰杖

斧持斧也謂建持之以為威也分音扶問反刺史郡守臣下皆伏誅冬十

一月詔關都尉曰今豪桀多遠交依東方羣盜其謹

察出入者

三年春二月御史大夫王卿有罪自殺初權酒酤如

曰權音較韋昭曰以木渡水曰權謂禁民酤釀獨官

開置如道路設木為權獨取利也師古曰權者步渡

橋爾雅謂之石杠今之略約是也禁閉其事總利入

官而下無由以得有若渡水之權因立名焉酤音工

護反初三月行幸泰山修封祀明堂因受計還幸北

地祠常山瘞玄玉師古曰爾雅曰祭

瘞音於夏四月赦天下行所過毋出田租秋匈奴入

鴈門太守坐畏慙奔市如淳曰軍法行逗留畏

四年春正月朝諸侯王于甘泉宮發天下七科張

曰吏有罪一亡命二贅壻三賈人四故有市籍及勇

五父母有市籍六大父母有市籍七凡七科也

敢士遣貳師將軍李廣利將六萬騎步兵七萬人出

朔方因杆將軍公孫敖萬騎步兵三萬人出鴈門游

擊將軍韓說步兵三萬人出五原强弩都尉路博德

耗一時之財而卒貽子孫數百年之安雖衰弱如哀如平而單于之朝如故其武帝積威之所劫哉

步兵萬餘人與貳師會廣利與單于戰余吾水上連

日教與左賢王戰不利皆引還夏四月立皇子髡為

昌邑王孟康曰髡音博晉灼曰許慎以為有髡字秋九月令死罪人贖錢

五十萬減死一等

太始元年應劭曰言盪滌天下春正月因杆將軍敖

有罪要斬徙郡國吏民豪桀于茂陵雲陵師占曰此當言雲陽

而傳寫者誤為陵耳茂陵帝自所起而雲陽甘泉所居故總使徙豪桀也鈞弋趙健仔死葬雲陽至昭帝

即位始尊為皇太后而起雲陵武帝時未有雲陵夏六月赦天下

二年春正月行幸回中三月詔曰有司議曰往者朕

郊見上帝西登隴首獲白麟呂饋宗廟渥洼水出天

馬泰山見黃金宜改故名今更黃金為麟趾應劭曰獲白麟有馬瑞故改壽黃金如麟趾

協瑞焉應劭曰獲白麟有馬瑞故改壽黃金如麟趾

身一日行萬五千里也師古曰既云宜改故名又曰

更黃金為麟趾裏蹠是則舊全雖以斤兩為名而官

有常形制亦由今時吉字金挺之類矣武帝欲表祥

瑞故普改鑄為麟足馬蹠之形以易舊法耳裏音奴

了因呂班賜諸侯王秋旱九月募死罪人贖錢五十

萬減死罪一等御史大夫杜周卒

三年春正月行幸甘泉宮饗外國客二月令天下大

酺五日行幸東海獲赤鴈作朱鴈之歌幸琅邪禮日

成山孟康曰禮日拜日也如淳曰祭日於成山也師古曰成山在東萊不夜縣斗入海郊祀志作盛音同登之罘音灼曰地理志東萊睡縣有浮大海山

劉放曰按元封六年詔首山昆田出珎物或化為黃金而此稱泰山非是所謂黃金為麟趾馬蹠者蓋用首山金為之耳故詔先叙三瑞下乃云以協瑞焉

隆按若有鄉坐拜者即見光光應之類

稱萬歲冬賜行所過戶五千錢鰥寡孤獨帛人一匹

四年春三月行幸泰山壬午祀高祖于明堂呂配上

帝因受計癸未祀孝景皇帝于明堂甲申修封丙戌

禮石閭夏四月幸不其如淳曰其音基不其山名因以為縣應劭曰東萊縣也

祠神人于交門宮應劭曰琅邪縣有交門宮武帝所造

若有鄉坐拜者師古曰如有神之景象鄉祠坐而拜也漢注云神並見且白且黑且大且

小鄉坐三拜鄉讀曰鄉作交門之歌夏五月還幸建章宮大置

酒赦天下秋七月趙有蛇從郭外入邑與邑中蛇羣

鬪孝文廟下服虔曰趙所立孝文廟也邑中蛇死冬十月甲寅晦

日有蝕之十二月行幸雍祠五時西至安定北地

征和元年應劭曰言征伐四夷而天下和平春正月還行幸建章宮

三月趙王彭祖薨冬十一月發三輔騎士大搜上林

閉長安城門索十一日迺解臣瓚曰上林苑周回數百里故發三輔車騎入

大搜索也漢帝年記發三輔騎士大搜長安上林中閉城門十五日待詔北軍征官多餓死然則皆搜索

非數軍實也 巫蠱起

二年春正月丞相賀下獄死夏四月大風發屋折木

閏月諸邑公主陽石公主師古曰諸邑琅邪縣也以封公主故謂之邑陽石北

海縣也二公主皆衛皇后后之女也陽字或作羊皆坐巫蠱死夏行幸甘泉秋

七月按道侯韓說使者江充等掘蠱太子宫師古曰即上韓

也 壬午太子與皇后謀斬充呂節發兵與丞相劉屈

隆按記內連書大搜三注曰索姦人姦人可以搜索盡耶蓋帝為邪說所惑故是懼不寧若此又按巫蠱事詳庚太子江充兩傳

隆按初書見光光應已聞稱萬壽者三已獲白辟天馬赤鴈已

惑于鬼神素矣以是漸及巫蠱而太子之禍由起也邪說為禍若此哉

釐大戰長安

師古曰屈音丘勿反釐音力之反

死者數萬人庚寅太

子亡皇后自殺

初置城門屯兵更節加黃旄應劭曰時太子

亦發節以戰故加其上黃以別之

御史大夫暴勝之司直田仁坐失

縱勝之自殺

仁要斬八月辛亥太子自殺于湖

師古曰湖縣名也即今號州閩鄉湖城二縣皆其地癸亥地震九月立趙敬肅王子

偃為平干王匈奴入上谷五原殺略吏民

三年春正月行幸雍至安定北地匈奴入五原酒泉

殺兩都尉三月遣貳師將軍廣利將七萬人出五原

御史大夫商丘成二萬人出西河重合侯馬通四萬

騎出酒泉成至浚稽山師古曰音峻雜與虜戰多斬首通至

天山虜引去因降車師皆引兵還廣利敗降匈奴夏

五月赦天下六月丞相屈釐下獄要斬妻子梟首鄭氏

曰妻作巫蠱夫從坐但要斬也師古曰屈釐亦坐與貳師將軍謀立昌邑王秋蝗九月反

者公孫勇胡倩發覺皆伏辜

四年春正月行幸東萊臨大海二月丁酉隕石于雍

二師古曰雍扶風之縣也二者石之數聲聞四百里三月上耕于鉅定

應劭曰齊國縣也還幸泰山修封庚寅祀于明堂癸巳禋石

閭夏六月還幸甘泉秋八月辛酉晦日有蝕之

後元元年春正月行幸甘泉郊泰畤遂幸安定昌邑

王髡薨二月詔曰朕郊見上帝師古曰見音胡電反巡于北邊

隆按屈釐以子故受戮詳具本傳

劉放曰昭帝紀詞訟在後二年者皆勿聽則當稱後元年王偉曰武帝雖



沿文景故事復為後元然始以後元二字加于年上此為異也非史官追書之名  
隆按群鶴留止此何以異焉而特詔赦天下耶帝為鬼神靈感深矣

見羣鶴留止。臣不羅罔。靡所獲獻。如淳曰時春也非用羅罔時故無所獲也

薦于泰時。光景並見。其赦天下。夏六月御史大夫

商丘成有罪自殺。師古曰坐於廟中醉而歌侍中僕射莽何羅與

弟重合侯通謀反。孟康曰征和三年言重合侯馬通今此言莽明德馬后惡其先人有

反易姓莽師古曰莽音莫戶反侍中駙馬都尉金日磾奉車都尉霍

光騎都尉上官桀討之。秋七月地震。往往湧泉出。

二年春正月朝諸侯王于甘泉宮。賜宗室二月行幸

盤屋五柞宮。晉灼曰盤屋扶風縣也張晏曰有五柞樹因以名宮也師古曰盤音張流反屋

乙丑立皇子弗陵為皇太子。張晏曰昭帝也後但名弗以二名難

丁卯帝崩于五柞宮。臣瓚曰帝年十七即位即入位五十四年壽七十一

殯于未央宮前殿。三月甲申葬茂陵。臣瓚曰自崩至葬凡十八日茂陵在長安西北八十里也

贊曰漢承百王之弊。高祖撥亂反正。文景務在養民。

至于稽古禮文之事。猶多闕焉。孝武初立。卓然罷黜

百家。師古曰百家謂諸子雜說違背六經表章六經。遂疇咨海內。舉其

俊茂。師古曰疇誰也咨謀也言謀於眾人誰可為事者也與之立功。興太學。修

郊祀。改正朔。定歷數。協音律。作詩樂。建封禪。禮百神。

紹周後。號令文章。煥焉可述。後嗣得遵洪業。而有三

代之風。如武帝之雄材大畧。不改文景之恭儉。呂濟

斯民。雖詩書所稱。何有加焉。

丘濟曰武帝有大功于世如表章六經行夏之時萬世之下實有賴焉或者乃以窮兵贖武比之秦政吁何其少恕哉  
馬周曰孝武雖窮奢極侈而承文景遺德故人之心不動向使高祖之後即有武帝天下必不能全  
隆按此替率多衰語而其所不備于帝者都包

摺于不改文景  
之恭儉一句微  
婉委曲深得史  
臣之體

漢書評林卷之六

終

漢書評林卷之七

吳興後學凌稚隆輯校

昭帝紀第七

孝昭皇帝

荀悅曰諱弗之字曰不應劭曰禮謚法聖聞周達曰昭

武帝少子也

母曰趙婕妤

師古曰捷接幸也仔美稱也故以名宮中婦官捷音接仔音余字或並從女

本以有奇異得幸

師古曰謂望氣者言有奇女天子氣及召見手指拳上自披之即時

及生帝亦奇異

文穎曰十月生語在外戚傳武帝末戾

太子敗燕王旦廣陵王胥行驕嫚

師古曰行後元二

年二月上疾病

師古曰疾甚曰病

遂立昭帝為太子年八歲

以侍中奉車都尉霍光為大司馬大將軍受遺詔輔

少主明日武帝崩戊辰太子即皇帝位謁高廟帝姊

丘濬曰漢自武帝以後雖設丞相徒建空名而已然在人君威

權已出之時猶  
之可也一旦彌  
留之際受遺詔  
輔少主一切委  
之武臣而平日  
所謂丞相者曾  
不與聞自是以  
後大司馬大將  
軍遂執國柄世  
世不易以至於  
潛移國祚其禍  
兆于此歟  
劉放曰是年二  
月有赦紀失載  
宜紀及丙吉傳  
可考

鄂邑公主益湯沐邑為長公主

應劭曰鄂縣名屬江夏公主所食曰邑師

古曰鄂音五各反帝之姊妹則稱長公主儀比諸王又以供養天子故益邑也

共養省中

曰蔡邕云本為禁中門閣有禁非侍御之臣不得妄入行道豹尾中亦為禁中孝元皇后父名禁避之故曰省中師古曰省察也言入此中皆當察視不可妄也共讀曰供養音弋亮反

政領尚書事車騎將軍金日磾左將軍上官桀副焉

夏六月赦天下秋七月有星孛于東方濟北王寬有

罪自殺賜長公主及宗室昆弟各有差追尊趙婕妤

為皇太后起雲陵文穎曰婕妤先葬於雲陽是以就雲陽為起雲陵冬匈奴

入朔方殺略吏民發軍屯西河左將軍桀行北邊

始元元年春二月黃鵠下建章宮太掖池中如淳曰謂之液

王禕曰君在諒  
闇而稱賀上壽  
非禮也蓋自文  
帝行短喪之制  
習以為常此公  
卿不學之過也

者言天地和氣所為也臣贊曰時漢用上德服色尚黃鵠色皆白而今更黃以為土德之瑞故紀之也太液池言承陰陽津液以作池也師古曰如贊之說皆非也黃鵠大鳥也一舉千里者非白鵠也太液池者言其津潤所及廣也鵠音胡篤反公卿上壽賜諸侯王列侯宗室

金錢各有差己亥上耕于鉤盾弄田應劭曰時帝年九歲未能親耕

帝籍鉤盾宦者近署故往試耕為戲弄也臣贊曰西京故事弄田在未央宮中師古曰弄田謂宴游之田天子所戲弄耳非為益封燕王廣陵王及鄂邑長公

昭帝年幼創有此名主各萬三千戶夏為太后起園廟雲陵益州廉頭姑

繒牂牁談指同並二十四邑皆反蘇林曰皆西南夷別種名也師古曰

並音遣水衡都尉呂破胡募吏民及發犍為蜀郡犇

命擊益州大破之應劭曰舊時郡國皆有封官騎士以赴急難今夷反常兵不足以討

信

王禕曰霍光秉政始行寬緩欲以悅天下故赦數下也

且瀆曰漢世之節不但以發兵使外夷雖巡行郡國亦持節矣王禕曰此霍光輔治之初政也

漢書卷之七

之故權選取精勇間命奔走故謂之奔命師古曰應說是也奔古奔字捷音虔

屬冀州河東屬并州文類曰本屬司州師古曰蓋屬京師司隸所部秋七月

赦天下賜民百戶牛酒大雨渭橋絕八月齊孝王孫

劉澤謀反欲殺青州刺史雋不疑師古曰雋音材亮反又音辭亮反

發覺皆伏誅遷不疑為京兆尹賜錢百萬九月丙子

車騎將軍日磾薨閏月遣故廷尉王平等五人持節

行郡國舉賢良問民所疾苦冤失職者冬無冰

二年春正月大將軍光左將軍桀皆以前捕斬反虜

重合侯馬通功封光為博陸侯桀為安陽侯以宗室

毋在位者舉茂材劉辟彊劉長樂皆為光祿大夫辟

真德秀曰時霍光用事輕搖薄賦與民休息而詔辭又皆簡質

若有其事而無其辭者如舉賢良問民疾苦罷亭毋馬罷鹽鐵毋收口賦之類

皆與民休息事也魏相所條奏其殆此乎

隆按鳳凰不世出春秋戰國以來寥寥矣至漢昭世而迺見乎得非與赤雀黃鶴一類者

彊守長樂衛尉師古曰長樂宮之衛尉也三月遣使者振貸貧民

毋種食者師古曰貸音吐戴反秋八月詔曰往年災害多今年

蠶麥傷所振貸種食勿收責毋令民出今年田租冬

發習戰射士詣朔方調故吏將屯田張掖郡師古曰調謂發選也故吏前為官職者今其部卒習戰射士於張掖為屯田也

三年春二月有星孛于西北秋募民徙雲陵賜錢田

宅冬十月鳳皇集東海遣使者祠其處十一月壬辰

朔日有蝕之

四年春三月甲寅立皇后上官氏文類曰上官桀孫安之女赦天

下辭訟在後二年前皆勿聽治孟康曰武帝後二年夏六月皇

子

后見高廟賜長公主丞相將軍列侯中二千石以下

及郎吏宗室錢帛各有差徙三輔富人雲陵賜錢戶

十萬秋七月詔曰比歲不登民置於食流庸未盡還

給中都官者且減之師古曰中都官京師諸官府冬遣大鴻臚田

廣明擊益州廷尉李种坐故縱死罪弃市師古曰种音冲

五年春正月追尊皇太后父為順成侯夏陽男子張

延年詣北闕自稱衛太子誣罔要斬師古曰夏陽馮翊之縣夏

罷天下亭母馬及馬弩關應劭曰武帝數伐匈奴再擊大宛馬死略盡乃令天下

下諸亭養母馬欲令其繁孳又作馬上弩機關今悉

罷之孟康曰舊馬高五尺六寸齒未平弩十石以上

陳仁子曰觀昭

帝此詔通孝經

論語又博求師

傳霍光此心善

亦周公教成王

之心也唐仇上

良教其徒曰勿

使人主觀經傳

此意不過愚其

君爾光君嘗有

皆不得出闕今不禁也師古曰亭六月封皇后父驃

母馬應說是馬弩關孟說是也騎將軍上官安為桑樂侯師古曰樂音來各反詔曰朕以眇身

獲保宗廟師古曰眇微也戰戰栗栗夙興夜寐修古帝王之

事通保傳傳孝經論語尚書未云有明師古曰帝自言雖通保傳

傳而孝經論語尚書猶未能明也其令三輔太常舉賢良各二人郡

國文學高第各一人賜中二千石以下至吏民爵各

有差罷儋耳真番郡師古曰儋耳本南越地真番本朝鮮地皆武帝所置也番音普

安秋大鴻臚廣明軍正王平擊益州師古曰廣明田廣明斬首

捕虜三萬餘人獲畜產五萬餘頭

六年春正月上耕于上林二月詔有司問郡國所舉

漢書卷七 昭帝 四

賢良文學民所疾苦議罷鹽鐵榷酤應劭曰武帝時

官悉自賣鹽鐵酤酒昭帝務本移中監蘇武前使匈奴

奴留單于庭十九歲迺還蘇林曰移音移廢名也應

劭曰移地名監其官也掌奉使全

節以武為典屬國如淳曰以其久在外國知邊事故

秦官漢因之掌歸義蠻夷屬賜錢百萬夏旱大雩不

得舉火臣瓚曰不得舉秋七月罷榷酤官令民得以

律占租如淳曰律諸當占租者家長身各以其物占

所不自占物及賈錢縣官也師古曰占謂自隱度其

實定其辭也占音章贖反下又言占名數其義並同賣酒升四錢以邊塞闊遠取天水

劉敞曰以律占租者謂令民賣酒以所得利占而輸其租也

酤官欲猶聽民自釀以賣而官為之稅後世稅民酒始此

應劭按共養勞苦應前共養省中句

真德秀曰漢世待德行之士如此可謂有禮矣其後平帝時龔勝那漢俱乞骸

隴西張掖郡各二縣置金城郡詔曰鈞町侯毋波率

其君長人民擊反者斬首捕虜有功應劭曰町音若

波其名也今作柯鈞町其立毋波為鈞町王大鴻臚

廣明將率有功賜爵關內侯食邑

元鳳元年春應劭曰三年中鳳皇比下東長公主共

養勞苦復以藍田益長公主湯沐邑泗水戴王前薨

以毋嗣國除後宮有遺腹子煖師古曰煖音許遠反相內史不

奏言上聞而憐之立煖為泗水王相內史皆下獄三

月賜郡國所選有行義者涿郡韓福等五人帛人五

十匹遣歸詔曰朕閔勞以官職之事鄧展曰閔哀韓

福等不忍勞役

骨奉白遣之皆如韓福故事奉雖無道其白遣節義之士恩意殷勤其備豈非其參飭立名之時歟

陰按鄧邑長公李等皆謀反伏

誅句是綱以下是月

李德裕曰昭帝年十四而知燕王書詐周成王有慙德矣高祖文景不如也成王聞管蔡流言觀召公不悅遂至周公狼跋而東鷓鴣之詩作矣漢高聞陳平去魏背楚欲捨腹心臣景帝信讒誅鼂錯兵解遂戮三公所謂執狐疑之心未讓賊之口向使昭帝得伊呂之

以官職其事其務修孝弟以教鄉里令郡縣常以正月賜

羊酒有不幸者賜衣被一襲祠以中牢師古曰幸者吉而免凶也武都氏人反師古曰氏

故死謂之不幸一襲一稱也猶今言一副也中牢即少牢謂羊豕也

音丁遣執金吾馬適建龍頡侯韓增大鴻臚廣明將

三輔太常徒皆免刑擊之師古曰姓馬適名建也龍頡侯元鼎五年

侯表云弓高壯侯韓積當于誥封龍頡侯而荀悅坐耐金免後元元年誥弟子增紹封龍頡侯而荀悅

漢紀龍頡皆為頡字崔浩曰頡音維今河間龍頡村與弓高相近然此既地名無別指義各依書字而讀

之斯則通矣誥音女交反蘇林曰是時太常主諸陵將治民也夏六月赦天下秋七

月乙亥晦日有蝕之既八月改始元為元鳳九月鄂

邑長公主燕王旦與左將軍上官桀桀子票騎將軍

安御史大夫桑弘羊皆謀反伏誅初桀安父子與大將軍光爭權欲害之詐使人為燕王旦上書言光罪

時上年十四張晏曰武帝崩時八歲即位於今七歲今年十五師古曰此云初桀安父子與覺其詐後有譖光

者上輒怒曰大將軍國家忠臣先帝所屬敢有譖毀

者坐之光由是得盡忠語在燕王霍光傳冬十月詔

曰左將軍安陽侯桀票騎將軍桑樂侯安御史大夫

桑弘羊皆數以邪枉干輔政大將軍不聽而懷怨望

與燕王通謀置驛往來相約結燕王遣壽西長孫縱

之等賂遺長公主丁外人謁者杜延年大將軍長史

大將軍爭權詐為燕王上書蓋追道前年事耳非今歲也張說失之

大將軍爭權詐為燕王上書蓋追道前年事耳非今歲也張說失之

大將軍爭權詐為燕王上書蓋追道前年事耳非今歲也張說失之

佐則成康不如  
矣惜哉

公孫遺等交通私書

蘇林曰壽西姓也長名也孫姓  
縱之名服虔曰外人主之所幸

也晉灼曰漢語字少君師古曰此  
杜延年別自一人非下諫大夫也

共謀令長公主置

酒伏兵殺大將軍光徵立燕王為天子大逆母道故

稻田使者燕倉先發覺

如淳曰特為諸稻田置使  
者假與民收其稅入也以

告大司農敞

師古曰楊敞也

敞告諫大夫延年

師古曰杜延年杜周之子

延年以聞丞相徵事任官手捕斬桀

張晏曰漢儀注  
徵事比六百石

皆故吏二千石不以減罪免  
者為徵事絳衣奉朝賀正月

丞相少史王壽誘將安

入府門

如淳曰漢儀注丞相太尉大將軍史秩  
四百石武帝又置丞相少史秩四百石皆已

伏誅吏民得以安封延年倉官壽皆為列侯又曰燕

王迷惑失道前與齊王子劉澤等為逆抑而不揚望

王反道自新

師古曰所為邪僻違失正道  
欲其旋反而歸正故云反道

今迺與長

公主左將軍桀等謀危宗廟王及公主皆自伏辜其

赦王太子建公主子文信及宗室子與燕王上官桀

等謀反父母同產當坐者皆免為庶人其吏為桀等

所誣誤未發覺在吏者除其罪

劉攽曰在吏謂  
發覺已在吏者

二年夏四月上自建章宮徙未央宮大置酒賜郎從

官帛及宗室子錢人二十萬吏民獻牛酒者賜帛人

一匹六月赦天下詔曰朕聞百姓未贍

師古曰贍足也前年

減漕三百萬石

師古曰減省轉漕  
所以休力役也

頗省乘輿馬及苑

馬

師古曰乘輿馬謂天子  
所自乘以駕車輿者

呂補邊郡三輔傳馬

張晏曰驛



馬也師古曰其令郡國毋歛今年馬口錢文穎曰往時有馬口

出歛錢今省如淳曰三輔太常郡得以叔粟當賦如淳

所謂租及六畜也曰百官表太常主諸陵別治其縣爵秩如三輔郡矣

元帝永光五年令各屬在所郡也師古曰諸應出賦

算租稅者皆聽以叔粟當錢物也叔豆也

三年春正月泰山有大石自起立上林有柳樹枯僵

自起生師古曰僵偃也謂樹枯死偃罷中牟苑賦貧

民師古曰詔曰迺者民被水災頗匱於食朕虛倉廩

三年以前所振貸非丞相御史所請邊郡受牛者勿

收責應劭曰武帝始開三邊徙民屯田皆與犁牛後

王維楨曰當時民生憔悴極矣帝出此兩詔而民始蘇哉

責丞相所請乃夏四月少府徐仁廷尉王平左馮翊

賈勝胡皆坐縱反者仁自殺平勝胡皆要斬冬遼東

烏桓反以中郎將范明友為度遼將軍將北邊七郡

郡二千騎擊之應劭曰當度遼水往擊

四年春正月丁亥帝加元服如淳曰元服謂初冠加

為衣服之服此說非也元首也冠者首之所著故曰

元服其下汲黯傳序云上正元服是知謂冠為元服

見于高廟賜諸侯王丞相大將軍列侯宗室下至吏

民金帛牛酒各有差賜中二千石以下及天下民爵

毋收四年五年口賦如淳曰漢儀注民年七歲至十

以食天子其二錢者武帝三年以前逋更賦未入者

皆勿收

如淳曰更有三品有卒更有踐更有過更古者正卒無常人皆當迭為之一月一更是為

卒更也貧者欲得願更錢者次直者出錢願之月二千是謂踐更也天下人皆直戍邊三日亦名為更律

所謂繇戍也雖丞相子亦在戍邊之調不可人人自行三日戍又行者當自戍三日不可往便還因更住

一歲一更諸不行者出錢三百入官官以給戍者是為過更也律說卒踐更者居也居更縣中五月乃更

也後從尉律卒踐更一月休十一月也食貨志曰月為更卒已復為正一歲屯戍一歲力役三十倍於古

此漢初因秦法而行之也後遂改易有謫乃戍邊一歲耳逋未出更錢者也師古曰更音工衡反

天下酺五日甲戌丞相千秋薨師古曰夏四月詔曰

度遼將軍明友前以羌騎校尉將羌王侯君長以下

擊益州反虜後復率擊武都反氏今破烏桓斬虜獲

生有功師古曰既斬反虜又獲其封明友為平陵侯平

王偉曰平定益州田廣明之勞多矣止得關內侯耳而范明友

瑣瑣之功遂侯

之其與傅介子

同下詔者恐人

之竊議也此霍

光之私意也

又曰五校謂中

壘屯騎越騎射

聲虎潛也

樂監傅介子持節使師古曰持節而為使誅斬樓蘭王安歸首

縣北闕封義陽侯五月丁丑孝文廟正殿火上及羣

臣皆素服發中二千石將五校作治六日成師古曰

校之士以作治也校音下教反太常及廟令丞郎吏皆劾大不敬會

赦太常轅陽侯德免為庶人文穎曰轅音料德江德也轅陽在魏郡清淵師

古曰會六月赦六月赦天下

五年春正月廣陵王來朝益國萬一千戶賜錢二千

萬黃金二百斤劔二安車一乘馬二駟師古曰夏大

旱六月發三輔及郡國惡少年吏有告劾亡者屯遼

東師古曰惡少年謂無賴子弟也秋罷象郡分屬鬱

告劾亡者謂被告劾而逃亡

林祥河冬十一月大雷十二月庚戌丞相訢薨師古曰王

訢也訢亦欣字

六年春正月募郡國徒築遼東玄菟城夏赦天下詔

曰夫穀賤傷農師古曰糶多而錢少是為傷也今三輔太常穀減賤

其令以叔粟當今年賦應劭曰太常掌諸陵園皆徙天下豪富民以充實之後悉

為縣故與三輔同賦右將軍張安世宿衛忠謹封富平侯烏桓

復犯塞遣度遼將軍范明友擊之

元平元年春二月詔曰天下以農桑為本日者省用

罷不急官師古曰謂非要職官減外繇師古曰繇讀曰徭耕桑者益衆

而百姓未能家給朕甚愍焉其減口賦錢有司奏請

陳仁子曰武帝于口賦惟恐不增昭帝于口賦惟恐不減虛耗之漢不至為秦者豈無自邪

減什三上許之甲申晨有流星大如月衆星皆隨西

行夏四月癸未帝崩于未央宮臣瓚曰帝年九歲即位十二年改元之後凡十三年年二十一六月壬申葬平

陵臣瓚曰自崩至葬凡四十九日平陵在長安西北七十里

贊曰昔周成以孺子繼統而有管蔡四國流言之變

師古曰四國謂管蔡商奄也流放也武王崩成王幼弱周公攝政四國乃流言曰公將不利於孺子遂致

雷風之異成王既見金縢之冊乃不疑周公事見幽詩及周書大誥孝昭幼年即位亦

有燕蓋上官逆亂之謀成王不疑周公孝昭委任霍

光各因其時以成名大矣哉承孝武奢侈餘敝師旅

之後海內虛耗戶口減半師古曰耗損也音火到反光知時務之

隆按霍光雖非周公比而語其所遭之艱則同惜其不學無術昧于明哲之訓爾

秦觀曰秦皇漢武皆以蓋世之氣闔闢宇宙之材并吞諸侯攘

却胡學若以功  
概言之則始皇  
之英偉傑特又  
非武帝之可比  
也然而萬世之  
下號始皇為暴  
主稱武帝為賢  
君秦作遽傾漢  
基益大者何哉  
二世不變始皇  
之事孝昭能改  
武帝之法故也

要輕繇薄賦與民休息。至始元元鳳之間匈奴和親。  
百姓充實。舉賢良文學。問民所疾苦。議鹽鐵而罷權  
酷尊號曰昭不亦宜乎。

漢書評林卷之七

終

